



Odbor za javne službe, infrastrukturu i javni saobraćaj

Broj: 04-GV-04-1079/23

Sarajevo, 13.07.2023. godine

ZAPISNIK O RADU

**27. SJEDNICE ODBORA ZA JAVNE SLUŽBE, INFRASTRUKTURU I JAVNI
SAOBRAĆAJ GRADSKOG VIJEĆA GRADA SARAJEVA
ODRŽANE 13.07.2023. GODINE**

Prisutni:

1. Ratko Orozović, predsjedavajući
2. Hazim Bašić, zamjenik predsjedavajućeg,
3. Alma Čengić, članica
4. Kenan Kestendžić, član
5. Almir Ciriković, član
6. Sead Baličević, član
7. Nermin Preljević, član

Sjednici iz Stručne službe Gradskog vijeća Grada Sarajeva prisustvuju:

- Mirjana Đanović Stanić, rukovodilac Stručne službe za poslove Gradskog vijeća.

Sjednici prisustvuju:

- Amir Pandžo, Odsjek za komunalne poslove
- Dragana Selmanagić, član radne grupe za Projekat „Čista rijeka Miljacka“, Institut za hirotehniku d.d. Sarajevo
- Muamera Srna, član radne grupe za Projekat „Čista rijeka Miljacka“, Institut za hirotehniku d.d. Sarajevo

Predsjedavajući Odbora je u 10:30 sati otvorio sjednicu, pozdravio prisutne i utvrdio kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu 26. sjednice Odbora za javne službe, infrastrukturu i javni saobraćaj Gradskog vijeća Grada Sarajeva održane 07.06.2023. godine.

Na prijedlog Predsjedavajućeg, jednoglasno je usvojen sljedeći **dnevni red**:

1. Informacija o aktivnostima Radne grupe za projekat „Čista rijeka Miljacka“
2. Tekuća pitanja



TAČKA 1.

Informacija o aktivnostima Radne grupe za projekat „Čista rijeka Miljacka“

Uvodne napomene je dao predstavnik Predlagača.

U raspravi su učestvovali svi članovi Odbora.

Poslije uvodnih napomena i rasprave, te sažetka predsjedavajućeg, Odbor za javne službe, infrastrukturu i javni saobraćaj je jednoglasno usvojio sljedeći **zaključak**:

1. Odbor za javne službe, infrastrukturu i javni saobraćaj sugeriše Gradskom vijeću Grada Sarajeva da razmatra Informaciju o aktivnostima Radne grupe za projekat „Čista rijeka Miljacka“ kako je predložena i primi je k znanju.
2. Odbor za javne službe, infrastrukturu i javni saobraćaj upućuje inicijativu Gradonačelnici, načelnicima gradskih općina, Ministarstvu privrede Kantona Sarajevo, Ministarstvu komunalne privrede, infrastrukture, prostornog uređenja i zaštite okoliša, JKP preduzećima Kantona Sarajevo, Agenciji za vode, Fondu za zaštitu okoliša Kantona Sarajevo i drugim eventualno potrebnim subjektima s ciljem realizacije inicijative formiranja posebnog budžetskog fonda u svakoj od budžetskih institucija za realizaciju projekata za realizaciju projekata proizašlih iz studija „Čista rijeka Miljacka“, a prema prioritetima.
3. Odbor za javne službe, infrastrukturu i javni saobraćaj istovremeno upućuje inicijativu Gradonačelnici da organizira sastanak sa predstavnicima subjekata iz inicijative iz zaključka broj 2. s ciljem promocije ove inicijative i strateških pravaca za realizaciju Projekta „Čista rijeka Miljacka“.
4. Odbor za javne službe, infrastrukturu i javni saobraćaj upućuje inicijativu nadležnom organu Zavodu za planiranje razvoja Kantona Sarajevo da se poduzme sve potrebno da se Studija odvodnje i tretmana sanitarnih, otpadnih i oborinskih voda na području Kantona Sarajevo 2016-2036, iz 2020. godine, čiji je glavni izvođač bio Zavod za vodoprivredu Kantona Sarajevo, usvoji kao podloga za izradu Urbanističkog plana za urbano područje Sarajeva (problem procesa javnih nabavki).
5. Odbor za javne službe, infrastrukturu i javni saobraćaj traži da se Gradsko vijeće odredi o podnesenoj inicijativi kako bi postala inicijativa Gradskog vijeća.

TAČKA 2.

Tekuća pitanja

1. Poslije rasprave, te sažetka predsjedavajućeg, Odbor za javne službe, infrastrukturu i javni saobraćaj je jednoglasno usvojio sljedeći **zaključak**:
Odbor za javne službe, infrastrukturu i javni saobraćaj, upućuje inicijativu Ministarstvu saobraćaja Kantona Sarajevo da, ukoliko to nije uređeno odgovorajućim općim aktom, uredi da se obuka vozača na saobraćajnicama u Sarajevu obavlja van vršnih sati, a ukoliko je već uređeno, da se intenzivira inspekcijski nadzor s ciljem provođenja takvog propisa.
2. Poslije rasprave, te sažetka predsjedavajućeg, Odbor za javne službe, infrastrukturu i javni saobraćaj je jednoglasno usvojio sljedeći **zaključak**:
Odbor za javne službe, infrastrukturu i javni saobraćaj, upućuje inicijativu načelniku Općine Novi Grad Sarajevo da poduzme potrebne aktivnosti da se u ulici Adema Buće postave visoki usporivači saobraćaja u okruženju Osnove Škole „Avdo Smailović“.

PREDSJEDAVAJUĆI ODBORA
Ratko Orozović

Predsjedavajući Odbora je u 11:45 sati zaključio rad 27. sjednice Odbora za javne službe, infrastrukturu i javni saobraćaj Gradskog vijeća Grada Sarajeva.